

Statuts della Romania (Societad de Students romontschs) : revedi ils 9 de settember 1928 a Lags

Objektyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **28 (1941)**

PDF erstellt am: **26.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, www.library.ethz.ch

<http://www.e-periodica.ch>

Statuts della Romania

(Societad de Students romontschs)

Revedi ils 9 de settember 1928 a Lags.

§ 1

La Romania consista de commembers activs, honoraris e passivs.

Commember activ sa mintga student romontsch daventar. Commember honorari daventa scadin activ, havend absolviu ses studis. Sco passiv vegn scadin auter abonnent dils organs officials consideraus.

Ils commembers activs ed honoraris retraian Ischi e Tschespet, ils passivs silmeins in de quels.

§ 2

Igl intent della Romania ei de mantener e cultivar il romontsch, siu spért, sia historia e litteratura.

§ 3

Quei intent vegn realisaus:

- a) entras ina radunonza generala d'atun de tuts ils commembers;
- b) entras las publicaziuns annualas «Igl Ischi» e «Nies Tschespet»;
- c) entras instradar, promover e sustener era outras ovras, che surveeschuan pil bien dil lungatg e dil pievel romontsch.

§ 4

La suprastonza sa, tenor bein appreziar, era convocar ina radunonza dils activs ed honoraris en in liug central per la primavera. Conclus generals san denton vegnir pri mo dalla radunonza d'atun.

§ 5

La suprastonza duei, cura ch'ell'anfla per bien, unir culla radunonza generala ina reunion publica populara, cun adattai referats.

§ 6

Scadin commember activ ha de comparer allas radunonzas annualas.

§ 7

Tuts ils commembers han il dretg de votar. Sulettamein della elecziun dil president e dils au-ters commembers activs della suprastonza, ils honoraris e passivs san buca separticipar.

§ 8

La societad elegia en sia radunonza generala ina suprastonza de 5 commembers. Treis, denter quels il president, ston esser activs.

§ 9

La suprastonza vegn ordinariamein eligida entras scrutini; autras elecziuns e votaziuns daventan entras tscharna, nun che duas tiarzas dils commem bers presents decidien autruisa.

§ 10

Ils redacturs digl Ischi e dil Tschespet ed il cas-sier vegnan eligi mintgamai per 3 onns.

§ 11

Ils dus redacturs assistan in a l'auter cun plaid e fatg. Quels, en uniun d'in tierz commember eligius dalla radunonza, constitueschan la commis-siun redaczionala.

§ 12

Ils redacturs san retrer sco renconuschientscha 30 exemplars dil resp. organ e scadin collaboratur digl Ischi 30 squetschs separats broschai de sia contribuziun. Quei diember sa vegrir augmentaus cun lubientscha della suprastonza. Quels separats vegnan distribui pér suenter l'ediziun digl organ.

§ 13

La suprastonza numna mintg' onn dus revisurs de quen.

§ 14

Il liug festiv per igl onn futur vegn mintgamai proponius dalla radunonza generala e destinaus definitivamein entras la suprastonza.

§ 15

La radunonza generala sa, cun duas tiarzas dellas vuschs, sclauder in commember, che counterfa agl intent della societad, era senza indicar motivs.

§ 16

Sche la Romania duess sedissolver ni calar d'exister per munconza de commembers, duei sia facultad restar deponida duront 20 onns tier igl Uffeci circuital della Cadi e vegnir restituida alla societad en cass che ella sereconstituess. Quellacanun croda la facultad alla Biblioteca romontscha della claustra de Mustér.